

Kinsa ka man?

Gardeopatra Quijano

Gipalanog mo daghang mga awit,
Inubanan sa matahum tingog ;
Daghan ang mapuypoy sa kasakit,
Daghang alaut imong gipatindog.

Maalam kang mukablit sa alpa ;
Daw magdula ang imong mga tudlo
Inig tapoy mo sa imog sista,
Kay sa honi ikaw mahibalo.

Makasabut ka sa mga sapa,
Makigsulti ka sa mga bulak;
Maluoy kang mopahid sa luha
Sa mga alaut nga nagahilak.

Nasayud ikaw unsay anaa
Sa luyo mianang dakung bukid ;
Giingon mo nga didtob magdupa
Si Kristo nga samaran sa kilid.

Mangotana ako; kinsa ka man?
Ikaw ba Floripinas ang langgam
Nga nangawit sa katawhan?
Kinsa ka, kinsa ka maalam?

Itug-an diin ikaw muggikan,
Isulti hain ikaw magpuyo ;
Ikaw ba, Floripinas, ang gabayan
Sa taliwala sa suabng daku?